



釋淨土二藏義卷第七

盡後分教
義一三賢

初分教義

頌曰 善薩藏中有漸頓

漸教有三初後分

初分教中十地

開則亦為三十地

義曰自下一百一十九頌別釋大乘兼明漸頓二宗於中自有其二一初之三十二頌即釋漸教二次之八十七頌正釋頓教於初漸教中亦有其二一初之七頌釋初分教二次之二十五頌釋後分教於尺初分教中初之一頌是其標之一頌正尺三乘共十地也次之一頌尺聲聞乘之十地也次之一頌尺

沙門了譽述



1047638

獨覺乘之十地也後之三頌尺菩薩乘之十地也無
結文者只是領略今即其初於中初之四字是總標
也次之三字二教別標次之一句二分別標第三句
中初之四字今初分教總標句也次之三字十地別
標後之一句亦是三乘三十地標菩薩藏中者菩薩
名義如上所尺但今菩薩藏者是大乘異名也有薄
頓者言於此藏中大分二教一者漸教二者頓教漸
教有二等者言於漸教中又爲二分一初分教亦名
大乘初教二後分教亦名大乘後教云問言大乘者
是何名義乎答不空三藏云說心多故名曰大乘上

百法論疏云大用遮詮立名乘以運載得名大者簡
小爲義乘者以運載得名窮生死際建立佛事故名
大乘辭如世船筏上宗鏡錄云以說法空乃至七八
九識故名四大已大僧正尺云大者普遍廣博之義
乘者即是運載之義謂運一切蠢蠢群生證大覺果
故名大乘已又委明其義者般若論并對法論以七
義尺大乘之義十二門論以六義尺大乘義七義者
善無畏三藏大日經疏云略有七義故名大乘一法
大二發心大三信解大四性大五依止大六時大七
大智已又云乘者名進趣已六義者一出二乘大大

經云如來智惠海二乘非所測已又云遠離聲聞緣覺之地已二佛家大大經云究竟一乘至于彼岸已觀經云當座道場已小經云皆得不退轉於阿耨菩提已三佛所乘大般舟經云三世諸佛依念佛三昧成等正覺已四滅大苦大經云消除三垢冥已又云三垢消滅已上第十八十九二寶積經云若不決定成等正覺證大涅槃者不取正覺已上第十九也五四大土乘大十二禮云觀音頑載冠中住等已上普賢文六盡源底大大經云覺了一切法猶如夢幻響已又云通達諸法性一切空無我已又云知一切法皆悉寂滅

已又云覺了法性猶如虛空已又云從如來生解法如如已上句下句隨緣真如凡言大者普遍之義所言乘者運載之義亦是智慧說法運度無邊際故六義具足無所闕減故名大乘小乘之言翻之應知問漸頓二教名言出在何文答經云宜各勤精進努力自求之必得超絕去往生安養國橫截五惡趣惡趣自然閑昇道無窮極已文云超絕橫截是頓之義頓義已明漸義無疑安樂集云若依此方修治斷除先斷見惑離三塗因滅三塗果後斷修惑離人天因絕人天果此皆漸次斷除不名橫截若得往生彌陀淨國娑

婆五道一時頓捨故名橫截上玄義云橫超斷四流願入彌陀界已但頓漸超三其軀雖異若依今宗超
頓是一示般舟讚云瓔珞經中說漸教方劫修功證
不退觀經彌陀經等說即是頓教菩薩藏一日七日
專稱佛命斷須更生安樂上又云門門不同名漸段
万劫苦行證無生上玄義云我依菩薩藏頓教一
海上初分教中有十地者今此教者大乘初門淺近
教故名爲初分教即立誘引小乘十地而明三乘共
行之相故亦名共教於中聲聞經前六地至第七地
斷盡三界所有煩惱證羅漢果辟支佛者至第八地

然諸菩薩九地皆經至第十地即成佛也所斷煩惱
見思無知二乘斷道如聲聞藏之所說也其菩薩者
斷見思位全如二乘但八地已上漸斷無知至第十
地而以一念相應之慧斷餘殘習即成佛也但鈍同
二乘斷見思惑全無差別若利根菩薩或有至六地
斷盡煩惱齊羅漢之者共教菩薩六地齊羅漢即此
意也凡此教大乘初門故如幻無生觀門巧也一類
利根菩薩初暫雖觀空後宿習開發成後分教並頓
教之人或開闢相恒沙悟或得性頓圓滿證應有之
歟

頌曰 乾惠性及八人地 見薄離欲已辨地

獨覺菩薩及佛地 是名三乘共十地

義曰此之一頌正釋三乘共十地於中初之三句是正尺也後之一句是結文也無標目文只是略問何故云乾慧地耶答此是三乘外凡位也如聲聞藏三賢位未有斷惑慧猶如乾燥無水故云乾慧地新云淨觀地問何故云性地耶答此是三乘內凡位也如聲聞藏四善根位此則三乘根性決定故云性地新云種姓地智論四十五云是地從燭法乃至世間第一法已問何故云八人地耶答此是三乘見道位也

十五心中八忍七智斷道有八故云八人故智論云八人名見諦十五心中行已新云第八地是聲聞藏隨信隨法初果向位也問何故云見地耶答是第六心三乘同明見無生四諦理故云見地也新云具見地是聲聞藏初果位也問何故云薄地耶答三乘同斷六品思惟惑微薄故云薄地是聲聞藏第二果位故問何故云離欲地耶答三乘同斷欲界煩惱五下分結故云離欲地也言五下分結者身見戒取疑欲貪嗔恚也俱舍二十一云由後二種不能超欲界設有能超由前三還下如守獄卒防羅人故上前三

見惑後二思惑思惑即是欲界九品是聲聞藏第三
果位也問何故云已弁地耶答三乘同斷五上分結
三界煩惱皆悉斷盡所作已辦故云已辦地也言五
上分結者色貪無色貪掉舉惻無明俱舍七一云如
是五種若未斷時能令有情不起上界故名順上分
結此之五種同是思惑是聲聞藏第四果位也問
何故云獨覺地耶答支佛留此地斷少分無知而證
圓寂故云問何故名菩薩地耶答扶少分習達塵點
劫修利他行故云菩薩地問何故名佛地耶答自行
化他斷惑證理皆悉過已以一念相應惠斷餘殘習

氣至佛果無學故云佛地也所言一念相應者是定
慧相應之一念也是名三乘共十地者三乘人通以
如幻觀共修諦緣度同逕十地中故云共十地非謂
三乘皆逕十地以是共學故亦名共教中論云諸法
實相三人共入上問解行若同以何分三乘答彼雖
同修諦緣度法於中聲聞四諦爲正緣度爲傍辟
佛乘人因緣爲正諦度爲傍菩提薩埵六度爲正諦
緣爲傍留七留八通逕十地初同後別是其差異

頌曰聲聞留七入涅槃三歸信法內凡戒
八人須施斯施舍那舍羅漢是十地

義曰此之一頌釋擊聞十地於中初之一句是惣標也次之二句并第四句初之四字是正釋也後之三字即是結文也聲聞留七等者聲聞乘人留第七地而般涅槃開此七地而爲十地一受三歸地當五停心初入佛法歸三寶故二信地當別想念處已入佛法信四念住故三信法地當惣想念處居法念住觀四念故已上三地開乾惠地四內凡先地當四善根同性地也內凡聖先內凡即先故持業尺也或云內凡夫義亦同前五覺信戒地當於八忍斷惑惠忍遞惑深故六八人地當於八智證理八故云八人已上

二地開八人地七須陀洹地同於見地八斯陀含地同於薄地九阿那含地同離欲地十阿羅漢地同已上地已上聲聞十地畢

頌曰獨覺留八爲十地 方便因緣四聖諦

利智八聖及覺了 穫滅通徹漸薄地

義曰此之一頌釋獨覺十地於中初之一句是惣標也次下三句是其釋也無結文者亦是頌略獨覺留八等者若獨覺乘前八地亦爲十地一方便具足地當五停心同受三歸地佛道初心方便攝散歸三寶故二自覺甚深十二因緣地當別想念處惣想念

處同於信地及信法地。惣別觀緣破顛倒故。比二地開乾慧地三覺了四聖諦地修四諦十六行相故當。四善根同內凡先地即是性地也。四甚深利智地斷。惑慧忍深堅固故當於八忍同覺信戒地五八聖道地八智證理上修八正道故當第十六心同八人地已上二地開八人地六覺了法界等地具云覺了法界虛空界衆生界地發無漏真明斷三界見惑已得法界淨故同須陀洹即是見地七證寂滅地斷欲界六品修惑得寂靜滅故同斯陀含即是薄地也八通地欲九品惑皆悉斷盡故云通也或云六通得六神

通故同阿那含即是離欲地也九徵微密地惣斷三界八十八使八十一品見思兩惑徹於微妙細密幽旨故云微微密地同阿羅漢即是已辨地十習氣漸薄地斷少分無知故亦云斷薄義亦同前是支佛地也已上十地畢

頌曰菩薩九地出假位

誓扶習生七僧祇

或經動踰塵點劫

登第十地成正覺

義曰自下三頌正釋菩薩十地之相今即初也於中初之四字是總標也次之三字是略釋也次之二句並釋劫數後之一句尺成滿相菩薩九地等者問菩

薩十地者何等耶答別無有之但是今此初分教中乾慧地等十地是也從此菩薩十地之中開出七八二十地也故云菩薩九地前之八地但是自行入空位也前來雖同二乘自行不留七八進第九地出假利生故云出假位問受生必依潤生之惑此教菩薩前八地中見恩兩惑皆悉斷已四惡三界何得受生答菩薩大悲誓願深故誓扶習氣而得受生故云誓扶習生然雖習氣不得引生而與誓扶寄合潤生辭如羸人依杖而立云問誓扶習生爲是實義亦爲機情答此有二義一云是實義也當教菩薩煩惱盡後

誓扶習氣受生利他經劫成佛云是那一云是假說也實斷結後從界外來經劫成佛然此初分大乘初門其義淺故不談界外因此局情云誓扶習生也云問聲聞藏中所談菩薩尚他爲先以自爲後此教菩薩云何如是自行爲先利他爲後耶答此教三乘共學教故初如二乘故自行爲先昇進以後至第九地趣利他門故他爲後彼聲聞藏三乘根性以各別故菩薩乘者從初發心利物爲懷故約本意實自大乘劣也頌曰此教佛地具八相八相之中五同前

成道轉法入涅槃

如是三相異小乘

義曰此下並釋第十七佛地於中初之四字是惣標也。次之三字八相別標次之一句即釋同相所云同相於八相中上之五相同前聲聞藏中佛地也後之二句正尺異相所言異相於八相中下之三相異前聲聞藏中佛也於中上之一句正舉三相下之一句尺差別旨。

茅草吉祥成道差

生滅無生轉法異

拈榮業緣涅槃別

丈六尊特合身佛

義曰此之一頌亦是正尺第十七佛地於中初之三句尺異相三後之一句正尺佛躰於初之中即亦有三

如次成道轉法涅槃無結文者略言而已茅草吉祥等者聲聞藏佛茅草爲座初分教佛吉祥爲座智論中尺天衣爲座生滅無生如次聲聞藏及初分教佛說法之相也枯者四枯雙樹林也榮者四榮雙樹林也蔽者齋藥入涅槃也緣者齊緣入涅槃也四枯齊業並是聲聞藏佛涅槃相也四榮齊緣並是初分教佛涅槃相也故云涅槃別丈六者一丈六尺老比丘像尊特者尊重寄特真佛形也舍身佛者今此初分教迢多途機故若下根人見佛丈六老比丘形若上根人者見佛威德尊特之相佛但是一見有二見故

云合身佛也上來雖有三十地別廣明漸教初分教竟

後分教義一

後分大乘獨菩薩 六位六十有一地

頌曰信相發趣及長養 金剛十聖并妙覺

義曰自下二十五頌一後分教於中有二初之一頌是揔標也後之二十四頌是正釋也無結文者頌言略也今即初也於中初之四字是揔標也次之三字是略釋也次之一句七位別標後之二句是六位列章後分大乘等者後者對初於漸教中最是甚深故云後分六位六十有一地等者問若六位者應云六

十地六十一地者應題七位如何答言六位者不立等覺之意也六十一地者立等覺之意也以六位令知六十地以六十一地令知七位上下影略其義互顯立等覺者菩薩本業瓊瑤經說不立等覺者仁王般若經說也但若依大師者以立等覺而可爲正問立不立義如何會之答經經異說不須和會或可仁王經中於第十地出心之位攝等覺也信相者是十信位十法雖異同以信成故名信相發趣者是十住位自行入空故名發趣亦住法位不動轉故亦名住也長養者是十行位化他出假故名長養長養衆生

化他行故亦名行也。金剛者是十迴向位也。修中堅固有伏惑力故名金剛。於諸功德迴向爲首故名迴向。十聖者是十地也。聖者正性名聖種性故名聖也。十聖種性證中道理生佛德行故名地也。妙覺者是佛果也。此乃別標之中約七位門意故云六十有一列章之中約六位門意故不立等覺。

頌曰 信念進慧定不退。迴向護法戒願心。

頌曰 是名十善鐵輪王。一劫中修苦行義曰此之一頌釋十信位於中初之二句正釋十信願心之心應宜止下次之一句釋華報相後之一句

明於信位經劫之分無標結者但是頌略信念進惠等者問何故名信心信耶答楞嚴經云妙信常住名信心信上問何故云念心信耶答經云念無遺忘名念心信上問何故云精進心信耶答經云進趣真淨名精進心信上問何故云惠心信耶答經云純以智慧名爲惠心信上問何故云定心信耶答經云寂妙常凝名定心信上問何故云不退心信耶答經云淨信不絕名不退心信上亦云施心布施之心不間斷故問何故名迴向心信耶答經云能以願力迴佛慈覺向佛安住猶如明鏡名迴向心信上問何故云護

法心信耶答經云心進安然保持不失如來氣分交接名護法心信已問何故六戒心信耶答經云安住心初後無遺失名戒心信已問何故云願心信耶答經云所去隨願名願心信已此之十信亦名外凡伏見思位仁王經云十善菩薩亦名初發相信彼經說此菩薩德云是爲菩薩能少分化衆生已超過二乘一切境界上是名十善者仁王經云十善菩薩發大心長別三界苦輪海已又云習忍以前十善菩薩有退有進譬如輕毛隨風東西是諸菩薩亦復如是已鐵輪王者仁王經云中下品善粟散王上品十善鐵

輪王上一万劫中等者仁王經云雖以十千劫行十正道乃當入_住冒忍位亦常學三伏忍法已起信論云修行信心經一万劫信心成就已大師釋云瓔珞經中說漸教万劫修功證不退已

頌曰發心持地及修行生貴方便於正心
不退童真法王子灌頂住是十發題

義曰自下二頌釋十住位今即初也於中初之三句及第四句上之三字是正釋也灌頂住住應宜上十第四之句下之四字是結文也無標目者亦是頌略發心持地策者此之十住亦名習種性亦名冒忍始

晝入空行故也。從此已下內凡三賢三十忍也亦是
斷見思伏無明位也。於甲初之習忍初發心住者是
上十善菩薩十信增長成滿合爲初發心住也乃至
十住亦復如是。仁王經云一切菩薩行本源是故發
心信心難若得信心必不退進入無生初地道教化
衆生覺中行是名菩薩初發心。比問所引文若得信
心進入初地。比此義不審何超三賢自願心信直入
初地答天台師云名別義圓。云今言經云入理槃若
名爲住住生得行^德名爲地初住一心足德行於第一
義而不動。比凡指住云地指地云住所望不同也。若

偏是名別義圓入理爲住德行名地應是無益細釋
之說歟彼文指初地云入理爲住今文指初住云入
初地此則若約入心指初地名初住若約住心指初
住名初地歟准舉信爲住之釋何不舉住爲地乎。問
何故名發心住耶答楞嚴經云以真方便發此十心
心精發^解名發心住。比問何故名持地住耶答經云
心中發明如淨琉璃內現精金以前妙心屢以成地
名持地住。比問何故名修行住耶答經云修勝理觀
起上妙行名修行住。比問何故名生貴住耶答經云
冥通入如來種名生貴住。比問何故名方便具足住

耶荅經云既遊道胎親奉覺胤如胎已成人相不缺
比問何故名正心住耶荅經云菩薩所聞讚毀心定
不動名正心住比問何故名不退住耶荅經云心堅
不轉名不退住比又云身心合成日益增長比問何
故名童真住耶荟經云簡僞靈童表無咎罪故名童
真住比問何故名法王子住耶荟經云形成出胎親
爲佛子上又云解真俗諦悟法王故名法王子住
比問何故名灌頂住耶荟經云如王子堪受位行漸
勝故名灌頂住比問灌頂職位第十地也如何答是
從假入空自行滿故約自證且分云灌頂二利圓滿

空觀

灌頂應在第十地也

頌曰如是十住習種性十信具足覺中行

成銅輪王二天下一阿僧祇伏忍下

義曰此之一頌亦釋十住相於印初之一句正舉習
種性名次之一句正尺十信具足次之一句即釋華
報後之一句尺經劫之分并得忍之相覺中行者十
住入空一分似同佛果空理故云覺中行仁王經云
教化衆生覺中行是名菩薩初發心已成銅輪王等
者仁王經云青種銅輪二天下比瓔珞經云從假入
空亦名生空亦名銅輪位上一阿僧祇等者仁王經

云能以一阿僧祇劫修道忍行始得入僧伽陁位。伏忍下者五忍中初云伏忍三伏忍中下品故云下也。

妄言雜說看少十住自行火室故離苦假有著也

頌曰歡喜饒益及無瞋 無盡離癡并善現
無著難得與善法 真實行是十長養
義曰自下二頌尺十行位今即初也於中初之三句
及第四句上之三字是正尺也真實行行可直上十
第四句下四字是結文也無標目者亦是頌略歡喜
饒益等者此十長養亦云性種性亦云性忍離十顛
倒性決定故也亦名十止修十種心故也於中初之

歡喜行者是上十住增長成滿合名初歡喜行也乃
至十行亦復如是又此十行中如次行十波羅密也
問何故名歡喜乃至真實耶答歡喜行者以慈悲心
能行布施故瓔珞經云菩薩行六度為一切衆生能
施無畏見者歡喜故名歡喜行比問歡喜之名在十
地初今以初行為歡喜行同異如何答此經既云能
施無畏見者歡喜是他歡喜之行也矣彼論既云能
益自他生大喜故是自歡喜之地也矣自他既異故
知非同從空出假行自證中道_地應知之饒益行
者以清淨心能行淨戒故經云菩薩持淨戒伏衆魔

令衆生立無上戒得不退故名饒益行已無嗔行者
以不害心能行忍辱故經云常修忍辱和顏愛語以
不害自他故名無瞋行已無盡行者以濟生心能行
精進故經云多劫受苦求法濟生念念不息名無盡
行已離癡行者以正憶念能行禪定故經云常住正
念心無散亂於一切法無有癡亂故名離癡行已善
現行者慧命解空能行般若故經云善入人法皆無
性相無縛無著心化衆生巧隨類救故名善現行已
無著行者無所著心能行方便波羅密故經云然以
寂滅觀諸法故於一切心無所著故名無著行已難

得行者以恭敬心能行願波羅蜜故經云尊重善根
智惠法門得尊重法故名尊重行已余名難得行以
難得想尊重法故言異意同善法行者以護法心能
行力波羅蜜故經云得諸善法守護正法佛種不絕
名善法行已真實行者以真實心能行智波羅蜜故
經云一一皆是清淨無漏真實無爲爲性本然故名
真實行已

頌曰如是十行性種性十止具足破十倒
成銀輪王三天下二阿僧祇伏忍中
義曰此之一頌亦釋十行於中初之一句正舉性種

之名次之一句正釋十止具足次之一句即釋華報
後之一句釋經劫之分并得忍之相十止具足等者
~~仁王經~~^上云性種性有十種心所謂四意止身受心法
不淨苦無常無我也三意止三善根慈施惠也三意
止所謂三世過去因忍現在因果忍未來果忍也是
菩薩亦能化一切衆生已能過我人知見衆生等相
及外道倒相所不能壞^已又云復次性種性行十惠
觀滅斗顛倒及我人知見分分假偽但有名但有受
但有法不可得無定相無自他相修護空觀^已此十
止法豎則一行一止橫則一一行中各修十止其義

應知成銀輪王等者仁王經云銀輪王三天性種性
~~上~~^上釋塔經云從空出假亦名法空亦名銀輪位^已二
阿僧祇者於當位經一阿僧祇并前十住一阿僧祇
故云二阿僧祇^云仁王經云亦常行百万波羅蜜念
念不去心以二阿僧祇劫行正道法住波羅陀位^已
伏忍中者於五忍初故云伏忍三伏忍中中品故云
中也

頌曰救護不壞等一切至一切處無盡藏
平等等觀及如相解脫法界十金剛

義曰自下二頌釋十迴向今即初也於中初之三句

及第四句上四字是正釋也。第四句下三字是結文
也。無標目者亦是頌略。救護不壞等者此十金剛亦
云道種性亦云道忍修中道法得十忍故果報未盡
順道生故亦名十堅心修十堅故也於中初救護衆
生迴向者上十行增長成滿合名初救護衆生迴向
也乃至十迴向亦復如是問何故名救護乃至法界
耶答救護者具云救護衆生迴向是迴無爲寂靜心
向涅槃寂滅法。瓔珞經云迴無爲心向涅槃路。此不
壞者經云不壞三寶保持諸善迴向衆生令得善利
已等一切者具云等一切佛迴向經云學三世佛法

不著生死不離菩提修迴向事。已至一切處者經云
世界與如來互涉入無碍礙。已無盡藏者具云無盡
藏功德迴向經云於地地中各各生於清淨因緣。已
平等者具云隨順平等善根迴向經云以內外財隨
衆生意。已等觀者具云隨順等觀一切衆生迴向經
云以諸善根而普迴向衆生拔生死苦惡與涅槃樂
善等無差別故。已如相者經云於一切法平等諸善
皆順如相而爲迴向。已斯乃如相者即是一如無相
不即不離義也故經云即一切法離一切相唯即與
離二無所著故。已解脫者具云無縛無著解脫迴向

經云離所有縛著行。昔賢行所。不著諸善。不執已法界者。具云法界無盡。迴向經云。出生智慧同虛空而無限量。迴向法界也。上

頌曰。如是十向道種性。具足修行十堅心。

成金輪王四天下。三阿僧祇伏忍。上

義曰。此之一頌亦釋十向於中初之一句。正舉道種之名次之一句。正尺修十堅心。次之一句。尺華報位後之一句。即釋經劫得忍之相。具足修行十堅心者。仁王經云。復有道種性地。所謂觀色識相受行得戒。忍知見忍定忍慧。忍解脫忍觀三界因果空忍無願。

忍無相忍。觀二諦虛實。一切法無常名。無常忍。一切法空。得無生忍。上又云。復次道種性住。堅忍中。觀一切法無生無住。乃至心寂滅。而受生三界。何以故。業習果報未壞盡。故順道生。故成金輪王等者。仁王經云。是菩薩十堅心。作轉輪王。亦能化四天下。生一切衆生善根。上又云。道種堅德。轉輪王七寶金光四天下。上瓔珞經云。從假修中。亦名雙空。亦名金輪王位。上三阿僧祇者。於當修經一阿僧祇。并前住行所。經云。三阿僧祇也。仁王經云。復以三阿僧祇劫修八万億波羅蜜。當得平等聖人地。故住阿毘跋致。上伏

忍上者五忍之初故云伏忍三伏中上品故云上也
已上三十忍十住從假入空伏忍下品十行從空出
假伏忍中品十向從假修中伏忍上品瓔珞經云從
假入空名二諦觀從空出假名平等觀從假修中名
中道觀已仁王經云伏忍聖胎三十人十信十止十
堅心三世諸佛於中行無不由此伏忍生已言伏忍
之名斷見思惑伏熾明迷本之惑義也並是位不退
也大師釋云證得不退入三賢已問三賢斷見思其
相如何答後分教者立俗諦恒沙洪故機根說教斷
惑證理無量無邊也故其相不一准或云初住斷見

從二住至七住斷思八九十住斷上品無知十行斷
中品無知十向斷下品無知言無知者二惑習氣無
明鹿分也亦云塵沙惑瑣瑣經云初發心住離我想
我見第七住後離兼煩惱已上是天台所立別教也或云十信
伏斷見一初住地十住位中伏斷欲愛住地十行位
中伏斷色愛住地十向位中伏斷有愛住地是大乘玄意也
唯識論十言煩惱障中見所斷種與所知障中見所
斷種共於極喜地見道初斷之教教所談見惑一聚
頓斷故二障修所斷種於地上而斷之於中煩惱障
中修所斷種金剛喻定現在前時斷盡之所知障中

修所斷種於十地中漸次斷滅二障見所斷修所斷現起同於地前伏之於三賢不云斷惑云但彼於無明中障理邊云見所斷種障事邊云修所斷種彼障現超者二障氣用即當界內見思塵惑歟然云地前已伏者對斷種位以斷現起且云伏歟但是非彼宗義已上三賢若依仁王經三阿僧祇若依持地唯識等論經一大僧祇雙修福智大師且依諸論判一阿僧祇玄義云如大品經說此等菩薩名爲不退身居生死不爲生死所染如鵝鴨在水水不能濕如大品經說此位中菩薩由得二種真善知識守護故不退

何者一是十方諸佛二是十方諸大菩薩常以三業外加於諸善法無退失故名不退位也論其功行已經一大阿僧祇劫雙修福智已此之三賢即是一向分段生死也六問當教意許三賢菩薩八相成道耶答通途不許之未斷惑位不得法身本不絕外用成道故辭如天月未出影不浮水中雖然學斷般若力人空自在具足五通方便法空現在前故願力自在由願力故緣物起悲由悲心故蒙佛加被現八相也故華嚴云三賢菩薩有漏心中八相作佛已起信論釋信成就發心云則得少分見於法身以見法身故

隨其願力能現八相利益衆生。仍然是菩薩未名法身以其過去無量世來有漏之業未能決斷。隨其所生與微細苦相應亦非業繫以有大願自在力故。比通法釋論疏云此明初住起廣大心相似觀智見法身故願力自在由願力故緣物興悲由悲心故出現八相隨時處等令根益故上述記云又此十住菩薩亦有少分依有漏定能現八相上所以一家釋云此等菩薩亦能八相成道教化衆生上即此謂也。

釋淨土二藏義卷第七

釋淨土二藏義卷第八

盡性頌
義一

後分教義二

沙門了譽述

頌曰十聖位中歡喜地

修六方便證二空

分身散影百佛刹

四阿僧祇四天王

義曰自下一十二頌尺十聖位於中初之十頌別尺
十地次之二頌總尺十地得忍二漏二死等相今即
是其初之初也於中初之四字是十聖標次之三字
是初地標擇別異也次之一句尺內證功次之一句
尺外用德後之一句尺所逕劫數并花報之相歡喜
地等者從此已上一十一地或十二地各斷一品無

明各證一分中道遠離分段生死獲得變易生死今
卽分聖之初故亦云初地新云極喜地仁王經云善
覺忍亦名通達位此地能斷煩惱所知二障分別始
入聖位故也問何故名歡喜地耶答唯識論九云一
極喜地初獲聖性具證二空能益自他生大喜故已
修六方便者仁王經云無量方便皆現前觀實相方
便者於第一義諦不沉不出不轉不顛倒遍學方便
者非證非不證而一切學迴向方便者非住果非不
住果而向薩婆若魔自在方便者於非道而行佛道
四魔所不動一乘方便者於不二相通達衆生一切

行故變化方便者以願力自在生一切淨佛國土已
分身散影百佛刹等者仁王經云善覺菩薩四天王
雙照二諦平等道權化衆生遊百國始登二乘無相
道入理般若名爲住住生德行名爲地初住一心足
德行於第一義而不動上但有異說十地論云菩薩
多作閻浮提王已又仁王經云復次善覺菩薩摩訶
薩住平等忍修行四攝念念不去心入無相捨滅三
界貪煩惱乃是初覺智於有無相而不二是實智照
巧用不證不沈不出不倒是方便觀辭如水之與波
不一不異乃至一切行波羅蜜禪定陁羅尼不一不

二故而一一行成就以四阿僧祇劫行行故入功德藏門無三界業習生故畢故不造新以願力故變化生一切淨土常修捨觀故登鳩摩羅伽位上

離垢地中諸菩薩無緣無相第三諦
頌曰現形六道千國土五阿僧祇忉利王

義曰此之一頌尺第二地於中初之一句是其標次之一句釋內證功次之一句釋外用德後之一句釋所經劫數并華報之相離垢地中等者仁王經云遠達忍亦云德慧忍初地後心乃至十地漸斷俱生所知障故名修習位問何故名離垢耶答唯識論九云

二離垢地具淨尸羅遠離能起微細毀犯煩惱垢故
比現形六道等者仁王經云離達開士忉利王現形六道千國土無緣無相第三諦無無生無二照上但有異說十地論云菩薩多作轉輪聖王七寶具足
比仁王經云復次德慧菩薩以四無量心滅三有瞋
果等煩惱住中忍中行一切功德故以五阿僧祇劫行大慈觀心心常現在前入無相闇阨波羅位上
頌曰第三發光明慧地出入有入無變化生
義曰此之一頌釋第三地於中初之一句是其標也

次之一句釋內證功次之一句尺外用德後之一句
尺所經劫數并花報之相發光明慧地者仁王經云
明惠忍舊云明地問何故名發光耶答唯識論九云
三發光地成就勝定大法惣持能發無邊妙慧光故
比應形方國等者仁王經云明慧空照炎天王應形
方國導群生忍心無二三諦中出有入無變化生上
但有異說十地論云此菩薩多作忉利天王上又仁
主云明惠道人常無相忍串行三明觀知三世法無
來無_{過去}無住處盡三界癡煩惱得三明一切功德觀
故常以六阿僧祇劫集無量明波羅蜜故入伽羅陀

位無相行受持一切法上已上三地惣名信忍仁王
經云又信忍菩薩所謂善達明中行者斷三界色煩
惱縛能化百佛千佛万佛國中現百身千身万身神
通無量功德常以十五心爲首四攝法四無量心四
弘願三解脫門是菩薩從善覺地至於薩婆若以此
十五心爲一切行根本種子上又云善覺離明三道
人能滅三界色煩惱還觀三界身口色法性第一無
遺照上

頌曰燄慧地中諸菩薩

寶智圓寂方便道

七阿僧祇都率王

義曰此之一頌尺第四地於中初之一句是其標也
次之一句尺內證功次之一句尺外用德後之一句
尺所經劫數并花報之相焰惠地中等者仁王云炎
慧忍亦名余炎問何故名焰慧耶答唯識論九云四
焰慧地安住最勝菩提分法燒煩惱薪慧焰增_已
億佛世界等者仁王經云炎慧妙光大精進都率天
王遊億國寶智圓寂方便道達無生照空有了_已十
地論云此後四地如次多作上四天王_{已上}又仁王
云復次余炎聖覺達菩薩修行順法忍逆五見流集
無量功德住須陀洹位常以五通於念念中能滅三

界一切見故亦以七阿僧祇劫行五神通恒河沙波
羅蜜不離心上

頌曰極難勝地勝慧忍

觀二諦境無差別

百億國土施無畏

八阿僧祇化樂王

義曰此之一頌尺第五地於中初之一句是其標也
次之一句尺內證功次之一句尺外用德後之一句
釋所經劫數并華報之相極難勝地等者仁王云勝
惠忍觀二諦境更無差別合真俗既不相乖各相應
也問何故名極難勝耶答唯識論九云五極難勝地
真俗兩智行相互違合令相應極難勝故上百億國

土等者。仁王經云。勝慧三諦自達明化樂天王百億國空。空諦觀無二相變化六道入無間。已又云。復次勝達菩薩於順道忍以四無畏觀那由他諦內道論外道論繫方工巧呪術故我是一切智人滅三界疑等煩惱故我相已盡知地地有所出故名出道有所不出故名障道逆三界疑修集無量功德故即入斯陁舍位復習行八阿僧祇劫中行諸陀羅尼門故常行無畏觀不去心上十地論云初四地中布施愛語利行同事如次偏勝第五地中具行四攝上頌曰現前地者名法忍三諦現前最勝智。

應現分身千億土九阿僧祇自在王

義曰此之一頌尺第六地於中初之一句是其標也次之一句尺內證功次之一句釋外用德後之一句釋所經劫數并華報之相現前地者等者。仁王名法忍觀十二緣起有最勝智觀無染淨令現前故名無分別問何故名現前耶答准識論九云。六現前地住緣起智引無分別最勝般若念現前故已應現分身等者。仁王經云。法現開土自在王無二無照達理空三諦現前大智光照千億土教一切。已又云。復次常現真實住順忍中作中道觀盡三界集因集業一切

煩惱故現非有非無一相無相而無二故證阿那含位復於九阿僧祇劫習照明中道故樂力生一切佛國土已上三地揔名順忍仁王經云又順忍菩薩所謂見勝現法能斷三眾心等煩惱縛故現一身於十方佛國中無量不可說神通化衆生已又云炎勝法現無相定能洗三眾迷心惑空惠寂然無緣觀還

觀心空無量報

已上

第七遠行遠達地

空中起有妙勝行

頌曰分身萬億世界中十阿僧祇初禪王

義曰此之一頌尺第七地於中初之一句是其標也

次之一句尺內證功次之一句釋外用德後之一句尺所經劫數并花報之相第七遠行等者仁王云遠達忍亦云玄達前六地中未能空中起有勝行今此地中遠離彼障問何故名遠行耶答唯識論九云七遠行地至無相住無功用後邊出過壯間二乘道故已分身萬億世界中者仁王經云遠達無生初禪王常万億土教衆生末度報身一生在進入等觀法流地始入無緣金剛忍三界報形永不受觀第三義無二照二十一生空寂行三界愛習順道定遠達正士獨諦了已又云復次玄達菩薩十阿僧祇劫中修無

生法忍滅三界集因業果住後身中無量功德行皆成就無生智盡智五分法身皆滿足住第十地阿羅漢梵天位常行三空門觀百千万億三昧具足弘化

法藏上

不動地中大菩薩

無分別智無功用

頌曰入百恒土化一切

千阿僧祇二禪王

義曰此之一頌尺第八地於甲初之一句是其標也次之一句尺內證功次之一句尺外用德後之一句尺所經劫數并華報之相不動地中等者仁王亦名等覺忍亦名等觀問何故名不動耶答唯識論九云

八不動地無分別智任運相續相用煩惱不能動故
上入百恒土化一切等者仁王經云等觀菩薩二禪王變成法身無量光入百恒土化一切圓照三世恒劫事返照樂虛無盡源於第三諦常寂然比但有異說十地論云此地多作大梵天王主千界上仁王經云復次等覺忍者住無生忍中觀心心寂滅而無相相無身身無智智而用心乘於群方之方燄消住於無住之住住有常修空處空常方化雙照一切法故知是處非是處乃至一切智十力觀故而能登摩訶羅伽位化一切國土衆生千阿僧祇劫行十力法心

心相應常入見佛三昧已十地論云此地一念所起智業比前七地無量無邊分不及已上

頌曰善慧地中諸大士四無導智善說法

千恒河沙一時現 万阿僧祇三禪王
義曰此之一頌釋第九地於中初之一句是其標也次之一句釋內證功次之一句釋外用德後之一句釋所經劫數并華報之相善慧地中等者仁王云慧光忍問何故名善慧耶答唯識論九云九善慧地成就微妙四無量智能遍十方善說法故已上千恒河沙一時現等者仁王經云惠光開土三禪王能於千恒

一時現常在無爲空寂行恒沙佛藏一念了已但有異說十地論云此地多作大梵天王主二千界已上仁王經云慧光神變者住上上無生忍滅心心相法眼見一切法以三眼色空見以大願力常生一切淨土万阿僧祇劫集無量佛光三昧而能現百万恒河沙諸佛神力住婆伽梵位亦常入佛華三昧已上十地論云此菩薩於一佛所以十阿僧祇百千陁羅尼門聽受法無量無邊諸佛亦復如是乃至於一念間從一切佛所受一切法明而不失一句晝夜無餘念入佛境界常得親近一切諸佛已上三地揔名無生忍

仁王經云。所謂達不動觀惠。亦斷三界心色等。煩惱故現不可說。不可說功德神通。又云。等慧灌頂。三品土除前餘。習無明緣無明。習相。故煩惱二諦理窮。一切盡。已問。何故除第七地。合第十地云。等慧灌頂三品土耶。答。第七功用亦分段。故有合順忍之意。八地已上無功用。一向變易身。故合因滿第十地云。三品土寂滅。忍上品果滿。故各別除之歟。故下文云。三賢十聖住。果報唯佛一人居淨土。已

頌曰。第十法雲灌頂地。大法智雲含德水。
於億恒土化群生。百万僧祇四禪王。

義曰。此之一頌。尺第十地於中初之一句是其標也。次之一句。尺內證功。次之一句。尺外用德。後之一句。尺所經劫數。并華報之相。第十法雲等者。仁王名灌頂。忍問。何故名法雲耶。答。唯識論九云。十法雲地。大法智雲含衆德。水充滿身。故已問。何故名灌頂地耶。答。華嚴六云。若十地種。自在力。皆得究竟。得解脫。甘露法水灌其頌。十方諸佛授記竟。已於億恒土化群生等者。此地菩薩。億恒河沙世界。分身散影。多作四禪梵王。逕百萬阿僧祇劫。仁王經云。灌頂菩薩四禪王。於億恒土化群生。始入金剛。一切了。二十九生永。

已度寂滅忍中下忍觀一轉妙覺常湛然已十地論
云此地多作魔鵝首羅淨居天也已又仁王云復次
觀佛菩薩住寂滅忍者從始發心至今遂百万阿僧
祇劫修百万阿僧祇功德故登一切法解脫住金剛
臺已又云等慧灌頂三品士除前餘習無明緣無明
習相故煩惱二諦理窮一切盡比今文等者等覺忍
也慧者慧光忍也灌頂者今第十地也此則初地已
上七地已還有漏無漏雜起多少有異故亦分段亦
變易也八地已上純無漏故一向變易故云一切盡
云十地論尺第十地相六是菩薩得十阿僧祇百千

三昧坐大寶蓮華王周圓如十阿僧祇百千大千界
十三千大千世界微塵數蓮花爲眷屬一一華上皆
有菩薩圍饒彼菩薩恭敬瞻仰余時一切世界皆大
震動一切惡趣皆悉休息光明普照一切供養十方
一切諸佛即時十方無邊菩薩乃至住九地者皆來
圍遶設大供養一心瞻仰余時諸佛放眉間白毫相
光名益一切智有阿僧祇光明眷屬照於十方一切
世界無有遺餘乃至是光明入彼菩薩頂上諸眷屬
光明入諸眷屬菩薩頂上時諸菩薩各得先未得十
百千三昧時彼菩薩名爲得位入諸佛境界具佛

力隨在佛數菩薩爲是位故受無量百千万億苦難行事已上十王義之與十波羅蜜斷十重障證十真如如唯識第九廣說云

頌曰如是十地分聖入人信忍三品初三地

順忍無生後後三第十寂滅下品忍

義曰自下二頌惣尺十地淺深階次今即初也於初中之四字是惣標也次之三字是略尺也次之三句惣尺十地得忍之相信忍三品初三地者此之一句尺信忍三五忍第二故云信忍三品下品初地中品第二上品第三故云初三地也順忍無生後後

三者此之一句並釋順忍及無生忍王忍第三故云順忍五忍第四故云無生忍順忍三品下品四地中品五地上品六地無生忍三品下品七地中品八地上品九地故云後後三所謂後三四五六地亦後三者七八九地故云後後三也第十寂滅下品忍者此之一句釋寂滅忍五忍第五故云寂滅忍寂滅忍但有上下謂第十地是下品忍也故云下品忍佛果即是上品忍故示仁王經云伏忍上中下信忍上中下忍順忍上中下無生忍上中下寂滅忍上下上記又云復次寂滅忍佛與菩薩同用此忍下忍中行名爲菩

薩上忍中行名爲薩婆若已所以於寂滅忍無中品者而於仁王經中不立等覺故也若立等覺意當中品也

初地已上至七地 雜起功用行不退

八地已上無功用 無漏變易念不退

義曰此之一頌亦是惣釋十地之相於中上之二句即釋未證淨心之相下之二句釋證淨心雜起者有漏無漏而雜起故問云何雜起答於地上菩薩有悲智二增若悲增者起有漏心多故受分段若智增者起無漏心多故受爻易有此二人故云雜起非是定

於一人上有多少雜起亦分段亦爻易亦復如是功用者作意功用以成事事故云功用行不退者三不退中第二不退故云行不退言初地已上七地已來未證淨心菩薩功用位故雖有念退無行退也若依仁王經十阿僧祇劫若依持地唯識論等經二大阿僧祇劫一家且依持地等云二大阿僧祇劫所以尺云如華嚴經說初地已上七地已來即是法性生身爻易生身斯等曾無分段之苦若論功用已經二大阿僧祇劫雙修福智入法兩空並是不可思議神通自在轉爻無方身居報土常聞報佛說法悲化十方

須臾遍滿此八地已上無功用者證淨心菩薩不作
意而以成事事故云無功用提塘喻無漏者證智菩
薩慈智平等無增勝故一向純無漏也以純無漏故
一向變易也故云反易非是言初地已上更無變易
問何故名分段~~并~~變易耶答死此生彼名爲分段因
移果~~陽~~名爲變易以此變易名生死者智顯名生惑
滅名死問分段名義云何答義燈四州智周云分謂分
齊即謂命根段謂差別即五蘊體捨此受餘有差別
故此差別身命有齊限即謂段之分名分段命屬身
依主尺~~已~~問變易名義云何答述記釋云變是改義

易是轉義改轉舊身命生死而成今身命生死故名
爻易上問分段變易其相如何答唯識論八云一分
段生死謂諸有漏善不善業由煩惱障緣助勢力所
感三界廉異熟果身命長短隨因緣力有定齊限故
名分段二不思議爻易生死謂諸無漏有分別業由
所知障緣助勢力所感殊勝細異熟果由悲願力改
轉身命無定齊限故名爻易無漏定願正所資感妙
用難測名不思議或名意成身隨意願成故上所引
文言意成身者由意願故本虛劣身今成細妙故名
意成身舊譯則云意生身由願故新生義也慈恩破

之^之祇^祇急不退省八地已上證淨心菩薩更無念退也
已上十地若立七輪名琉璃輪若依仁王即經百万
阿僧祇劫若依持地唯識等即逕三大阿僧祇劫一
家且依諸論之說判三僧祇散善義云即是最後身
十地之菩薩此等難行之行已過三祇之劫已越方
德之行已成灌頂之位已證^上

若立等覺無始土

入重玄門難思議

不可刹土利群生

倒取凡事微塵劫

義曰此之一頌釋等覺位於中初之一句是揔標也
次之一句釋內證功後之二句釋外用德若立等者

於此一位有立不立故云若立言等覺者隔一重羅
殼殘一階梯橙猶如十四月未全圓亦名等覺性此
則入重玄門倒取凡事菩薩也若望法雲名之爲佛
若望妙覺名金剛心菩薩亦名無始光地菩薩瓔珞
經云百千万劫入重玄門修凡夫事凡問入重玄門
者其義云何答金剛終心菩薩將登妙覺位或依佛
果不容易或依機緣未純熟下十地下九地八七乃
至初地法界迴向乃至救護迴向真實行乃至歡喜
行灌頂住乃至發心住願心乃至信心及信前薄地
凡夫如是下下^云倒取凡事也然後發心修十善業

乃至行向初二三地乃至等覺如是上上名入重玄門從此位下復還凡夫從凡夫上亦入等覺如是展轉百千万劫是名入重玄門倒取凡事也甫正記云入重玄門者等覺證極玄理究竟名爲一玄從等覺位却漸次向於下位次第修集藥法廣逐衆病又名一玄欲受妙覺佛職理非容易令觀智深細故須却入倒修凡事比如是無量劫自熟熟他與物結緣願滿行滿然後入妙覺果滿之位也若立七輪水精輪位也問最後品無明爲等覺智斷若言等覺智斷者勝賜經云無明住地其力最大佛菩提

智之所能斷上若言妙覺智斷者能障惑未斷之時何顯所障智耶答異義雖遙且存一義等覺智斷也其理如一片難但至一片難初地以上皆得佛菩提智斷障當位煩惱故佛菩薩智言必非指妙覺智故無夾云故涅槃經云有所斷者名有上土無所斷者名無上士上夫寶難分明來闍去闍去明顯明闍俱時而不相離等覺一轉是如闍去入于妙覺亦似明來闍若不去明何以顯明若不來闍何以去低高時等喫啄同時莫以二位名勞而論之耳云然非無無導道斷解脫道證起盡唯識論九云無間道時已無

惑種何用復起解脫道謂爲斷惑證滅斯心別故爲捨彼品鹿重性故無間道時雖無惑種而未捨彼無堪任性爲捨此故起解脫道及證此品擇滅無爲已上十一地亦名分聖云

頌曰妙覺果滿遍照尊寂滅忍中上品位

七寶千葉華臺上

朗然大覺證妙智

義曰自下四頌正釋妙覺於中初之一頌正釋佛果次之三頌重釋佛果十地之相今即初也於中初之一句是揔標也次之一句明安忍名後之二句釋成道相妙覺果滿等者是極聖位也亦云妙覺性金剛

後心寂滅道場七寶千葉華臺爲座朗然大覺妙智窮源無明習盡名真解脫蕭然無累寂而常照名妙覺地常住佛果具足一切佛法名菩提果四德涅槃名爲果果仁王經云圓智無相三界王三十生盡等大覺大寂無爲金剛藏一切報盡無極悲第一義諦常安穩窮源盡性妙智存三賢十聖住果報唯佛一人居淨土一切衆生暫住報登金剛源居淨土已又云從昔忍至頂三昧皆名爲伏一切煩惱而無相信滅一切煩惱生解脫智照第一義諦不名爲見所謂見者是薩婆若是故我從昔以來常說唯佛所知見

覺從灌頂三昧以下至於習忍所不知不見不覺唯
佛頓解不名爲信漸漸伏者慧雖起滅以能無生無
滅此心若滅則累無不滅無生無滅入理盡金剛三
昧同真際等法性而未能等無等無等譬如有入登大
高臺下觀一切無不明了住理盡三昧亦復如是常
修一切行滿功德藏入深如度位亦復常住佛慧三
昧已上第十地及與佛地惣名寂滅忍在王經云
佛與菩薩同用此忍入金剛三昧下忍中行名爲菩
薩上忍中行名爲薩婆若共觀第一義諦斷三界心
胥無明盡相爲薩婆若超度世諦第一義諦之外爲

爲金剛臺相無相

第十一地薩云若覺非有非無湛然清淨常住不變
同真際等法性無緣大悲教化一切衆生乘薩婆若
乘來化三界比問妙覺名義通三身耶答義分通三

名言句報

頌曰甚深難知廣明地清淨身分威嚴地
善明月幢寶海地精妙金光功德地

義曰自下三頌釋佛果十地於中初之二頌及第三
頌上二句正釋十地下二句是結文也無標目者但
是文略今此一頌即其初也問所言十地寶有淺深
耶答化道之前且有淺深內證之日但是一佛故用

性經云初地甚深後皆利他。比又云初地自證後地
果後方便。已上云問化導之日如何差別答同性經云
佛有十地十地所現上且甚深難知廣明地乃至毗
盧遮那智藏地如次歡喜地乃至法雲地能化也一
一名字以十地菩薩所行所得可得其意而已同性
經云一切自地從佛地生。比問何故名甚深難知廣
明地耶答爲初地菩薩說甚深無量施具令證二空
般若之十地
智德廣自利利他說如是法以能化佛故云甚深難
知廣明智德地也亦是除一切微細習氣諸佛自證
故名甚深自證佛也問何故清淨身分威嚴地耶答
華嚴之方便

爲二地菩薩說淨尸羅身分威嚴不可思議能說此
法而令遠離微細煩惱故云清淨身分威嚴不可思
議明德地也故名說戒方便佛也問何故名善明月
幢寶海地耶答爲三地菩薩說勝定法令發無量慧
光具此德故云善明月幢寶海藏地故名說定方便
佛也問何故名精妙金光功德地耶答爲四地菩薩
說寂勝菩提分法令慧焰增燒煩惱薪故云精妙金
光功德神通智德地故亦名降魔方便佛

頌曰大輪威藏明德地馬空內淨無垢地
廣勝法界藏明地最淨普覺智藏地

義曰此之一頌即釋四地并前成八問何故名大輪
威藏明德地耶答爲五地菩薩說真俗兩輪互相應
如車輪同時轉行自具此德降外道偏憍故云大輪
威藏明德地故亦名伏外方便佛問何故名虛空內
淨無垢地耶答爲六地菩薩說住緣起智引生無分
別智最勝般若方法森羅而如虛空清淨故云虛空
內清淨無垢炎開相地亦名神變方便佛問何故名
廣勝法界藏明德地耶答爲七地菩薩說無相無功用
智後邊出過二乘境界故云廣勝法界藏明德地故
亦名無著方便佛問何故名寂淨普覺智藏耶答爲

八地菩薩說無分別智任運相續煩惱不動故云寂
淨普覺智藏能淨無垢遍無礙智通地亦名授記方
便佛

頌曰無邊功德迴向地
如是種種功德名

世說光明篇照
毗盧遮那智藏地

正釋二地後之二句是結文也問何故名無邊功德
迴向地耶答爲九地菩薩說具四無導智能遍十方
善說法事故云無邊功德迴向能照明地亦云善現
方便佛問何故名毗盧遮那智藏地耶答爲第十地

菩薩說大法智雲含衆德水遍一切處拔濟群生故
云毗盧遮那智藏海地故亦名一切法無所有方便
佛若立七輪應名淨摩尼輪位問如此報身土有方
處耶答云問自他受用二身其相如何答云問他受
用壽命無齊限耶答約內證無有入不入義若約化
他即有滅不滅義云問當教教主其相如何答云問
此教意地前凡夫見報身耶答學者異義也或不見
也其故報身是斷無明所見也何有見之義耶若余
以報身爲當教教主似無其證而若會之者說地前
菩薩雖不見之地上所見故隨彼所見爲教主無失

失或可雖地前菩薩斷無明期近可見報身既云彼
心能見帝納之土兼令見寶報無障碍土相也既見
所居土寧不見能居教主故華嚴經云亦有凡夫大
根性者此是其證也華嚴教主報身如來故二義中
見報身義可用之今私云地前凡夫見報身義須顯
他力引攝即相頓極秘術云但彼但是佛果神力未
及本願他力故雖同凡夫但攝大根性凡夫小根小
性不能入室尚是暫時聽受全非長時得入此非但
佛力龐具本願力故大小凡聖長時受用知難思願
力經云此皆無量壽佛威神力故本願力故滿是願

故明了願故堅固願故究竟願故比於此下應言已上後分教畢又結而應言初明初分教後釋後分教上來二分雖有不同廣釋成漸教竟

性頤義一

頌曰 頤教之中亦有二

性相兩頤理事別

性頤立位借後分

三賢十地假名立

義曰自下三頌正釋性頤於中初之一頌正釋性頤立位之相次之一頌正尺性頤不立位相後之一頌尺教主相今即初也於中初之四字頤教物標次之三字兩頤別標也次之一句略釋兩頤次之二句正

釋性頤立位之相頤教之中等者性相雖異談頤極
頤證之旨故云頤教所言頤極頤證者談從凡夫色
心直至佛地也性相兩頤等者言於頤教即有其二
一者性頤亦云理頤是圓頤宗也二者相頤亦云事
頤是無生宗也性頤立位等者初性頤者此亦有二
一者立位二者不立位其立位者所謂且借漸教後
分次位雖然斷惑證理其義各別或習初地即極或
談初住究竟或云信該果海凡教門言說但是有名
無實假也譬如水印亦似鳥道

頌曰 擄實而論不立位

不修不行證真如

真如有二空色是

三世一念無差別

義曰此之一頌正尺性頗不立位相於中初之二句略題不立位次之三句廣釋其相據寶而論等者立位且是教門言說全非頗教根本正位夫寶不修不行從來即證二種真如即是名爲不立位也色心俱是真如全體心之色故全色是心色之心故全心是色心是方法方法是心心法不二色心無別全心全色俱體俱用一即一切一切即一一及一切名有體無一性圓滿方法具足大乘至極此時顯彰但恨凡愚不會此理猶如魚目不見海水故大師云真如體

量量性不出蠢蠢之心法性無邊邊體則元來不動無塵法界凡聖齊圓ぬ堵如如普該含識恒沙功德寂用湛然但以堵障覆深淨體無由顯照所以修無修行斷無斷感得無得果證無證理修斷得證本是佛法行住坐卧法身體露造次顛沛本有威儀臂衣喫飯是如來行廁屎送尿湛淨不染性相雖異頗是不異宗祖三藏曰性頗相頗性頗二門立位者借漸教後分或立六位六十一地之名此皆有名無寶之假也辭如於水上搘像隨仰隨亡鳥飛空隨去隨空不立位者不修不行從來即證二種真如空真如

色真如性則性真如本是不來今更不去濁刹清淨
刹無二亦無別

頌曰 教主即是受用身 具足多身無邊身

極微塵中華藏界 不論方處無際限

義曰此之一頌釋教主相於中上之二句即先釋身
次之二句即次釋王於上二句中初之二字是其標
也次之五字并下一句是釋教主受用身者是當新
譯自受用身具足多身者舉自眷屬無邊身者自身
中之教主眷屬名無邊身極微塵中者舉極小極俱
舍頌云極微微金水菟羊牛隙塵蟻風毳指節後後

增七倍二十四指肘四肘為弓量五百俱盧遮此八
踰繕那已上如是極小微塵中有無邊法界也華藏界
者舉極大極別行義記宋云如大經疏說華藏世界
底布風輪須彌塵數普光摩尼中出大蓮華名種種
光明藥香幢蓮臺有十不可說佛刹微塵數香水海
列在其中一海一種一一所持刹各有不可說佛刹
塵刹自下向上列二十重一一相去各有佛刹塵數
之刹准其一一刹各有十刹微塵之刹而闡遠之上
如是極大華藏界在微塵中也不論方處者一塵非
一塵即是塵刹也故云不論方處無際限者塵刹非

塵刹即是不可刹也故云無際限

釋淨土二藏義卷第八

釋淨土二藏義卷第九

盡真言
開答半

性頴義二

沙門了譽述

頌曰 上來小乘初後頴

今時難證難行道

此土入聖聖道門

惣名自力分判教

義曰此之一頌惣結上來諸教等也於中初之一句正舉諸教次之一句以玄忠結次之一句以西河結後之一句惣以三師而結諸教上來小乘等者小乘者是穀聞藏也初者初分教也後者後分教也并是漸教也頴者性頴也今時難證等者若依玄忠大師大小權實之諸宗等於五濁世無佛之時求出離者

此人未可得解脫也故云難行道也問此義不審如
彼優婆鞠多化夫婦二人令證羅漢籌滿石室況單
夫但婦證果非所及筭數尊者一人化導尚以如此
况餘人乎何云於滅後而無證者耶答如來正法有
教行證三如來像法有教行無證如來末法有教無
行證是云三時興廢然尊者金口祖承第五師也正
法之初一百餘年出世也今所言者正像既過於末
法無證之今現世證入億億中一可難有也故大集
~~月藏經~~云我末法時中億億衆生起行修道未有一
人得者已丙河潤色云當今末法是五濁惡世唯有

淨土一門可通入路已但不遮設雖末法有少分益
故云未有知非全無也問夫證悟難易在機緣熟不
未定時節何必以末法今屬難證時故因分律中述入
一千年中聞法師說法能所共得無學聖果或二三
四千年中得三二初果況法華修行遠契後五百歲
時說於末法中欲說是經等何云難行耶答自本所
立任大聖金言四依高判傳燈宗釋徂至律藏難先
旣許少分得益何重致難耶次至法華修行且可及
問於末法中欲說是經等益為是指結緣為將指現
證若言結緣者是共許義非今所論若言現證者亦

可又問爲是多分爲將少分若言少分者亦是共許
義非今所論若言多分者正是今所論也宜決夫案
法華一會意鹿園證果聲聞經四味調停歸一寶會
座尚三周得記前後頗有末了者而至涅槃何末代
凡夫於一句聞法下立地成佛耶知千万億之中二
二人得益其餘或成冥利益或爲菩提種子若非万
人現證者豈不云難行乎故天台疏云非但當時獲
大利益後五百歲遠沾妙道已既云後五百歲何等
三時普益乎但記會之云然後五百且從一往末法
之初冥利不無但據大教可流行時故云五百上智

雲妙樂第子云爲作種子利益因緣故云尔也已准此等
釋於末法中欲說是經但是可爲結緣也既云冥利
不無無顯益明矣今我宗利益在世正機正像賢聖
求法愚鈍悉以得生易行之中易行之法非此教者
亦如之何問猶以不明法華經云須臾聞之即得窪
竟阿耨菩提比又云一念信解功德八十万億那由
他劫行五波羅蜜以是功德比前功德百分千分百
千万億分不及其一又云五十展轉隨喜功德過
八十年布施上正直捨方便之說何成虛妄如今所
聞念佛易行者或云念念不捨者或釋三万六万十

方等。然則依須臾聞之一句一偈等功德速得究竟。
菩提還云難證依念念不捨者行纔遂往生華開已
後漸增進佛道豈可云易行易證乎。自本立義任
經尺文義其故正法念經云行者一心求道時常當
觀察時方便若不得時無方便是名爲失不名利何
者如攢濕木以求火火不可得非時故若折乾薪以
覓火火不可得無智故此經意佛道修行應自思
量機法時節之分齊也依之閱披經文法華修行或
說漸漸積功德具足大悲心等或云漸漸修學悉當
成佛道等或復宜寂寢無人聲讀誦此經典我余時

爲現清淨光明身等加之勸持品中五百八千新得
記聲聞不堪此土弘經請乞他土流通天台問答此
事彼跡云問此等聲聞已成大士何故不能此土弘
經耶答爲引初心始行菩薩未能厭世苦行通經復
欲關於安樂行品上若余安樂行品爲初心方法也
所以得無生忍菩薩尚恐惡世弘經初心始行輩觸
逢無退耶其四安樂行者一身安樂行行處者謂住
忍辱地也故經云柔和善順而不乖暴觀諸法寶相
流通此經上次同親近處者離十惱亂也一豪勢王
大臣二邪人法外道梵華也三兎險處伎藝也四旃陀羅惡
等也

等五二乘衆

聲聞

六欲想

優婆女小女等也

七不男

半月等也

八

危害

他家也

九譏謙

若為女人說

十不樂畜

猪狗等也

羊鷄

等也

如是遠離十惱亂方可流通一乘經已下口意誓願等可見經文然則大慈悲爲室柔和忍辱爲衣諸法空爲坐之上修四安樂行具五種法師應有其益若余者法雖談最勝望末代下機難修難行何云非今時難證乎淨土教門經說爲未來世一切衆生爲煩惱賊之所害者說清淨業釋云依下觀門慧心念佛注想西方念念罪除故清淨也豈非是易行易證乎但至念念不捨者及三六十万爻等釋初文上云行

住坐卧不問時節久近等故不簡四威儀自在行也次文下云皆是上品上生人故非方機行相或可俱是勸上機能化本意也非大悲本意也又會彼須臾聞之等文者亦須及問爲是現證爲亦當證若言當證者非今所論自他共許若言現證者可決離_離雄法華記云必由此經成菩提故雖無劫國當得理同此中客用別時意趣此此文釋當得何云易證耶又言一念信解功德等者於汝意云何知一念信解之相文句九云一念信解者信一切法皆是佛法如是信解名鐵輪位上鐵輪位者十信位也圓十信位六

卽中相似即也此位人斷見思塵沙六根清淨人也
此人一念信解信一切法皆是佛法之時過五波羅
蜜行何云當今凡夫益耶又五十展轉隨喜功德者
汝亦云何知隨喜相_記^二云一念隨喜等即觀行位
已此則五品弟子中十信具足初隨喜品可有此益
非是理即名字凡夫分釋其初隨喜止六云觀名佛
知止名佛見於念念中止觀現前即是衆生開佛知
見此觀成就名初隨喜也已此人即是十法成乘位
也此位之人一念隨喜即勝八十年布施何以今時
愚昧而比其機乎何況五十展轉者即表觀行即五

品正行六度而為初聞乃至十信具足為第五十經
文其意分明也矣莫致疑難其上上來會通且付汝
宗釋一往遮局難若以兩宗相詰今亦須及問汝引
一念信解展轉隨喜文為是直證之文為亦功德之
證若言直證之文者是不爾經或對五波羅蜜或比
布施行只是狹量功德多少何云直成證耶依之經
云若人有如是功德於阿耨菩提退者無有是處已
_據若言功德之證者功德約法體難易依時機既非
今所論何引為證誰云無隨分功德若言依功德勝
故令當今時機易行易修者須法華與念佛以一念

信解功德而定南北法華經云一念信解功德勝八
十万億那由他劫行五波羅蜜除般若波羅蜜已上取意
若約同五波羅蜜應劣九十万億那由他劫行定劫
數故若不爾者八十万億應無要文言若約同八十
万億那由他劫應劣行六波羅蜜除般若波羅蜜故
若不余者除般若波羅蜜應無要文言况對九十万
億那由他劫已上行六波羅蜜乎故知是有上功德
也劫數行體有起盡故汝亦知否有勝法華一念信
解之一念信解即勝勝經云乃至一念信解功德於
恒沙劫行六波羅蜜以是功德比前功德百千万億

分不及其一上恒沙勝八十六度過五度一念信解
功德勝自法華若依功德勝易行易修者將言法華
難行勝劣易修也云雖然劫數有際限功德有分齊
既云恒沙知應劣無量劫六度既云六度知應劣恒
沙劫十度減無量劫殘四波羅蜜故況對無量劫十
波羅蜜乎故知是有上功德也又汝知否有勝勝經
一念信解之一念信解即大經云其有得聞彼佛名
號歡喜踊躍乃至一念當知此人爲得大利即是具
足無上功德此既是說爲大利歡爲無上無劫數而
所定分限無功德而所對善根故念佛三昧經名三

昧王摩訶止觀釋法門主超過勝羣在文分明也若依功德勝易行易證者將言勝舉難行念佛易修也何況平等覺經云十方三世佛一切諸菩薩八万諸聖教皆是阿彌陀必然則法華勝舉陀字八万諸聖教中其一分也莫以末而爭本故大師釋云自餘修行雖名是善若比念佛者全非比狹也上五會讀云夫如來設教廣略隨根終歸于實相然念佛三昧是真無上深妙門如來常於三昧海中舉細密乎若易修易證真唯淨土教門上靈芝小經義疏云一乘極唱終歸咸指於樂邦万行圓修最勝獨推於果號良

以一時圓證於三身万德惣章於四字已又云况我彌陀以名接物是以耳開口誦無邊聖德攬入識心求爲佛種頓除億劫重罪獲得無上菩提信知非小善根是多功德也上戒慶記云佛名乃是積劫薰修攬其萬德惣章四字是故稱之獲益非淺上問承須史聞之等文釋別時意趣非是妙樂大師本意此文即是諸師破釋釋義常習諸師破釋述不定義故若還宗本意特以直證爲正故疏記云離實教中有長短若依實道定短爲正上比道違釋云不同他經別時意趣以此意也余者如何答此會不奈亥一云須

更聞之即得究竟者是分證究竟此釋意聞經時
是十信位也所證菩提是初住無生也所以者何十
信後心聞法華經即稱初住分證位也若望妙覺究
竟位則可被云別時意趣耶余者諸師破析簡難信
用歟次至道遷師尺者他經別時意趣以但著有相
心修有相一行爲別時待方行成圓名實說法華意
不爾修一行一切行即得究竟菩提所言菩提者分
證菩提也若望究竟菩提即別時也此乃他經意別
時是假說實說是真實也法華意於真實中一往名
別時故云不同他經歟又定短爲正釋以法華修行

比諸教長遠修行速疾自諸教故云定短爲正有何
失乎難云法華經云闍浮提內廣令流布使不斷絕
比尺云後五百歲遠沾妙道比經尺共不指時節何
云末法無諸耶其上法華意不立正像末何云於末
法無顯利耶決四云若立正像乃至末法流通護持
即藏通意也已辭如一翳在目則千華瀟空一妄在
心則恒沙生死汝所修法即權教故簡機簡時法華
是以實教故不簡時機何云末法無利耶荅先應又
問汝轉計上來問答否若言不轉計者最初旣引於
末法中欲說是經等文何違最初問難云不立三時

耶於前後相違問難止對決者是論議定法也若言轉計者能破既不一定所破何一著非問答限何及決雌雄雖然今以文理决定旨破汝之相違不定難先文理决定省汝之所引證使不斷絕遠沾妙道文是也先以使不斷絕之文備常住普益證甚以不審上既云如來滅後等佛若滅度者三時興廢何無之若於法無三時者佛何入滅但除休息隱沒若言約內證平等邊佛不滅度故常住益者是自他共許義非今所論夫談佛乘實義時何宗不談常住義乎故經云以一食之力能住壽命億百千劫無數無量復過於此

諸根悅預不以毀損姿色不變光顏無異所以者何如來定慧究竟暢無極於一切法而德得自在已又云善立方便顯示三乘於此中下而現滅度亦無所作亦無所有不起不滅得平等法上若約此邊者何存在世滅世正法未法於此中下而現滅度之時既許如來滅後何不論三時不同乎其上上文藥王云我滅度後後五百歲中廣宣流布於闍浮提無令不斷絕已此文與勸發品文文相大同明般使不斷絕者局後五百歲也次遠沾妙道釋者上既云非但當時獲大利益後五百歲等上既云後五百歲故同上使不斷

絕文會釋其上非但當時等者舉在世得益後五百歲等者述滅後獲益旣舉在世得益沾滅後結緣何云常住之旨乎云其滅後則纏云後五百歲何等三時曾益何及法滅百歲益且從一往會釋舉正像未及末法云其末法則云冥利不無何如可通入路顯益乎但至弘決四文者藏通二教界內教故偏談齊業齊緣入滅不知非滅現滅故從強且云即藏通意也非言別圓兩教更不談三時故妙樂大師盡理釋成在世末代得益不同弘決第五云如諸聲聞位登極果方等彈呵般若被加來至法華三請四止猶須

廣略五佛開權法辭因緣慇懃擲重仍有未了來至涅槃豈有末代鉢根潛指一句能辨佛乘必隨句妙通若非六根應是五品此釋分明述末代鉢根自力修行一句一偈一念隨喜不可悟也若有悟者應是五品六根人也其五品六根者如次天台南岳等也非濁世末代一切機若余者何不爲今時難證難行道乎問望今時衆機以真言教可云難行道耶答可然也難云夫立教難易翻迷開悟轉凡入聖之時判教也秘密莊嚴頓覺神通乘教者以本有六人而爲諸法總體以法然文字亦爲諸佛種子更非窮理

觀亦非曆事行。何云難行耶。故天形人相即是大曼茶羅聖衆也。刀劍鉢榦亦是三摩耶。曼茶羅標示也。法余文字隨緣方法悉是法曼茶羅體相也。去來進止。行住坐卧。皆是羯磨曼茶羅事業也。又手足舉動。皆是密印。言談口說。皆是真言。念念作作。皆是三摩地也。此六大四曼三密者。人人本有三昧。佛佛本來。加持非初用。行非初開悟。問云。今時難證耶。故菩提心論云。若人求佛慧通達。菩提心父母所生身速證大覺位。已秘鍵云。佛法非迷心中即近。真如非外葉身。求何上。余者云。何答。難易分別。教相出自三明滿。

字胸留于四依圓音口。既以此土得道名爲難行道。以彼土無生而判爲易行道。真言若此土得道宗旨。何遁難行。城所以披十住毗婆娑論阿惟越致相品。以五義釋成難行之由。一被亂外道相善。二所障二乘。自利三所破。惡人四所障。入天果五。唯是自力而已也。此則穢土修行。此五種義而成其障。難行諸宗皆同痛之。菩提心論中舉外道二乘而爲所嫌。此乃翻第一第二云。勇銳無惑者。即是翻第三第四第五之義。自應知之。難行所痛。皆是真言所嫌也。何云非難行耶。故大師釋云。若持娑婆譖法忍。六道恒沙劫。

未期上但至六已大本有四曼無导之理者唯理唯性
頓教故且難談本具六大法然昇茶還機修行之時
非無重重悉地自體邊爲體他緣邊名相故四曼邊
凡夫所證凡夫於心有分齊故隨自心所變見分爲
量也證六法界後可見遍法界體相也於未證凡
夫言雖云法界意未離差別何寄事於能變法界蓋
忌所變差別故即身義六上達法身下及六道雖鹿
細有闊大小有差然猶不出六故佛說六爲法
界體性智已至次菩提心論文者彼論之中明五相
成身觀其五相者一通達菩提心謂觀自心如滿月

在輕霧中也論云謂今於第九識真如理處通達得
本有佛性大菩提心故名通達本心也已二修菩提
心論云謂觀自心如清淨滿月輪也已菩提心義六
於本有性德菩提心發修德菩提心名修菩提心已
三成金剛心論云謂觀心月輪中有金剛蓮華已四
證金剛身論云謂想此心蓮臺五部摠合成一塔婆
身也已五佛身圓滿論云謂觀身爲本尊也謂如本
尊衆相具足二利圓滿也已付此五相有自證門有
化他門若自證門之前云初地即極發心即到故初
通達本心即究竟圓滿二利具足是故言即證大覺

位者即是究竟佛果也故五重結護弘開即五相成身合是攝通達菩提心者最初發心位也疏云住此乘者初發心時便成正覺不動生死而至涅槃已秘鍵云發心即到已釋云漸次轉勝義教道法門實證三大僧祇越一念阿字已知二地已上修菩提心已下乃是即極圓滿上果後方便也是中因發心義也若化他門之日亦不然立三劫六無畏三妄五位斷惑證理六無畏者一善無畏是十信以前凡夫三賢名不生愛慾位四法無畏十向加行名證寂然

於多喜處經行攀附南歸之義

南歸喜
於多喜處
經行攀附
南歸之義

界位已上三無畏斷兼妄執是初劫也五法無我無畏初地已上七地已來名心自在位斷細妄執是第二劫也六一切法平等無畏八地已上名盡三妄執位斷極細妄執第三劫也此三劫六無畏三妄五位上斷微細妄執除盡四佛障名第十一地所顯圓極若此時菩提爲因大悲爲根本方便爲究竟次第故通達本心即證大覺位非究竟佛果待第十一地所顯圓極爲自證故是東因發心義也若約此義者即證大覺位是應分證大覺若存究竟大覺於第十一地行諸難行久乃可得之責何道之乎故金剛頃經

義釋一云。若得此三昧者。即與諸佛菩薩同等。故當知行人即是位同大覺。以其自覺心故。便得佛名。然非究竟大牟尼位。已又同第二云。乃至初地菩薩分證。莊嚴身無量無邊滿於法界。已又云。歸命分得法身。上淨土教門。一毫未斷。凡夫直生無生寶國等。證果極法身難。有當坐道場之言。未論分證究竟。知易行易證。要行頓中頓教秘術。問此義未盡。真言教相重重差差。今所言三劫六無畏。且是寄顯門十住心教道一途別說也。故疏第六云。如上所說。一生補處及八地三昧。是約教道法門。作如是說耳。然秘密乘人。

於世諦中。即能通達第一義諦者。初發心時。具行大空三昧。其謂不然。則於一生之中。不能頓滿初地也。已若論心續生十住心之時。九種住心。是地前三劫之間。斷三妄執之位也。第十住心。即是地上位也。斷微細妄執成佛之位也。其十住心者。一異生羝羊心。三愚趣二愚童持齋心。三三嬰童無畏心。四四唯蘊無我心。聲聞乘五拔業因種心。獨覺乘六他緣大乘心。法華嚴七覺心不生心。三八一道清淨心。九極無自性心。華嚴十秘密莊嚴心。謂初三世間住心。次二小乘住心。次二權大乘住心。次二實大乘住心。後一金剛乘住心。

也然則於地上許六七八九住心乃是即順常途隨文而說之意也莫以寄顯門十住心爲正真言教相而成義道故十住心論云九種住心無自性轉深轉妙皆是因真言密教法身說秘密最勝金剛心已上木日經云如是初心佛說成佛因於業煩惱解脫而業煩惱具依已上余剛頑經開題云法佛三密四種言語不能及曼荼四身九種心識不得緣已上即身義云諸教同云三劫成佛唯真言法中即身成佛已上五秘密經云若於顯教修行者又經モトアソニ三大劫數劫然後證成無上菩提已上御將來錄云覩一心利刀即顯教也揮

三密金剛是密教也遊心於顯教三僧祇渺焉持身於密藏十六生甚促已上然則地前三劫成佛應是行諸難行又乃可得然而非實成佛何以發心即到教而名難行耶故弘法大師釋云三大僧祇越一念阿字已上比但至義釋分證文者凡真言者大乘超八圓頓上最上乘法故指最初虛圓白淨月輪習本有淨菩提心故非顯教所談始覺始成究竟大覺是故云非究竟妙覺大牟尼歟故出生義云削十地階漸開等妙圓頓已上教時義第一引義云一事真不虛所謂我即法界我即毗盧遮那我即普門身此事不謬何

以故一切有情色心實相從本以來即大日如來平
等心地非是成正覺時強空諸法令成法界故今行
人隨觀我法界界海會顯現自身證有前後體相
一如是故行者作此觀已即名爲佛也況於義釋者
聊有子細所謂大日經者龍猛菩薩鐵塔誦出諸經
中十万頌三百卷經也然沙門輪婆迦羅正翻六淨子義翻
云善以唐開元四年丙辰達于長安初住興福寺後住
無畏西明寺同五年己於菩提院譯虛空藏求聞持等法
同十二年甲於福先寺譯麻行休大毗盧遮那成佛
在大半人等中亦有三重
神變加持經一部七卷三十品三千頌沙門寶月
加行記人法師傳人

譜語沙門一行筆受也爰善無畏三藏鑑末世愚昧
自製大日經疏二十卷一行義釋多違彼疏然一行
雖安持八祖非是付法八祖雖是筆受義釋違譯經
本疏故東寺一派更所不用何引彼釋備誠證耶答
此難不余誰云諸宗教相必定一途所以真言教相
二教十住心配立遍設表德十住心之時限密乘內
十住心故不及自立破他寄顯門十住心并心續生
十住心之時顯密對判教相於地上許顯教否雖事
是督於自宗自證化他因行證入之事全以一同故
今付汝家一途教相且一往成義道者也設雖心續

生十住心之時，押諸教於三劫於地上而許，因行證入，雖自證門之時，談初地即極二地已上果後方便，若約化他門之時，第十一大地所顯圓極，何不云初地分證耶？設雖談以初地而爲自證，即極之初二地已上，乃至第十一地方便爲究竟。初地但是二利圓滿功德，至第十一地，施方便究竟應用，若留初地即極位，不進二地已上者，於佛果付闕減之過失，終以第十一地而爲所顯圓極言，雖談發心即到，不亂因行證入次第，故知難行道所以疏云，「万行功德從此增長」，故曰菩提爲因也。此菩提心爲後二句因，若望

生死中所殖善根，則名爲果。此又云方便爲究竟者，謂万行圓極，無復可增應物之權窪盡能事，即醍醐妙果三密之源也。比又云淨菩提心者猶如真金本性明潔，離諸過患，大悲如習學工巧，以諸藥物種種鍊冶，乃至鏡微柔軟，屈申自在，方便如巧藝成就，有所造作，隨意皆成。已金剛頑經云：「若有人不闡法則晝夜精進現身，獲得五神通，漸次修練，不捨此身，進入佛位。」三摩地儀軌云：「若有衆生遇此教，晝夜四時精進修現世，證得歡喜地後，十六生成正覺。」已疏一云：「自心發菩提心，即心具万行，見心正等覺，證心

大涅槃發起心方便嚴淨心佛國從因至果皆以無所住而住其心故曰入真言門住心品已又云今此真言門菩薩若能不厭法則方便修行乃至於此生中逮見無盡莊嚴加持境界上但至義釋會通者上既云若得此三昧者則與諸佛菩薩同等亦云即是位同大覺以其自覺心故畢而云然非究竟大牟尼等何恣云顯密相對釋其上亦云分證莊嚴亦云分得法身等更非可譁之處次亦至云不可用一行義釋者而受直說筆受義釋猶是屬謬解者後世玄孫異域小生豈非是爲賊梯乎祖禰不了過及兒孫責

最當汝三藏云第十一地所顯圓極一一行六然非究竟大牟尼位似以響知音何強捨之乎但取捨共之汝之宗師非我所痛上來問答且是付汝宗釋一往所成之義道也若以兩宗決雌雄者亦非如平所謂分證即極汝宗徒義分諸究竟自力聖道之所修行無他力持故是難行道也既定真言機時云上根利智爲末代下根愚鈍機教不相應故難行道之責最甚也道者也故善提心論云若有上根上智之人不樂外道二乘法有大度量勇銳無惑者宜趣佛乘此

跡伏見

光慶寺

35